

U skladu sa **Članom 4. PRAVILA broj 28/2007 o radio amaterskoj službi**, koje je donijela Regulatorna Agencija za Komunikacije (u daljnjem tekstu RAK), ARABiH donosi

**UPUSTVO ARA_IK-1
ZA PODNOŠENJE ZAHTJEVA ZA
FORMIRANJE ISPITNE KOMISIJE I PROVJERU ZNANJA
KANDIDATA ZA ZVANJE RADIOAMATERSKOG OPERATORA**

DEFINICIJE

- **Kolektivni član ARABiH**, je regionalno udruženje radioamatera, radio klub ili drugo pravno lice koje je izmirilo članarinu prema ARABiH po modelu «A» u tekućoj kalendarskoj godini.
- **Član ARABiH**, je fizičko lice koje je izmirilo članarinu prema ARABiH po modelu «A» ili član kolektivnog člana ARABiH koji je za njega izmirio članarinu prema ARABiH po modelima «B» ili «C» u tekućoj kalendarskoj godini, kao i članovi po modelu «D».
- **RAK**, je skraćenica za Regulatornu Agenciju za Komunikacije BiH.
- **Organizator ispita**, je: a) ARABiH ; b) Kolektivni član ARABiH

1. Uvodne odredbe

1.1 Praćenje i provođenje procedure formiranja komisije, korespondencije i izmjene dokumentacije sa RAK, ARABiH provodi preko svoje Kancelarije isključivo u svoje i/ili ime svog Kolektivnog člana.

1.2 Ispitima u organizaciji Kolektivnih članova ARABiH mogu pristupiti isključivo Članovi ARABiH, koji su državljani BiH, bez obaveze plaćanja naknade. S obzirom na to da je pravo RAK da, po vlastitoj prosudbi, odluči izvršiti inspekciju ispita u vrijeme održavanja, prijavljeno mjesto i vrijeme održavanja ispita ne može se mijenjati bez saglasnosti RAK.

1.3 Ispitima u organizaciji ARABiH mogu pristupiti:

- a) Članovi ARABiH koji su državljani BiH
- b) Ne-Članovi ARABiH koji su državljani BiH
- c) stranci sa dozvolom boravka u BiH dužom od 90 dana

Članovi ARABiH (a) ispitu pristupaju bez obaveze plaćanja naknade, dok ostali (b,c) plaćaju pristojbu prema pravilniku ARABiH o naknadama i uslugama.

2. Ispitna komisija

2.1 Ispitnu komisiju čine Predsjednik i dva člana.

2.2 Za ispravnost rada ispitne komisije odgovoran je Predsjednik komisije.

2.3 U ispitnu komisiju mogu biti predlagani isključivo pojedinci članovi ARABiH iz redova operatora sa najmanje petogodišnjim radiooperaterskim stažom.

2.4 RAK vrši akreditaciju komisije i obavještava ARABiH o svojoj odluci. Komisija se smatra akreditiranom na temelju odluke RAK ili u slučaju da u roku od 15 dana od dana upućivanja zahtjeva za akreditaciju RAK ne opori sastav komisije.

3. Ispitna pitanja i upute

3.1 Nakon akreditacije RAK će ispitna pitanja i upute o toku ispita dostaviti Predsjedniku komisije preko Kancelarije ARABiH ili sama ARABiH u dogovoru i uz dozvolu RAK. Ispitna pitanja formiraju se na osnovu plana i programa iz CEPT preporuka.

4. Aplikacioni list

4.1 Zahtjev za formiranje komisije i provjeru ispita za zvanje radioamaterskog operatora dostavlja se Kancelariji ARABiH putem e-maila Kancelarija@arabih.net ili putem pošte na adresu ARABiH; P.O.Box 61; 71000 Sarajevo, isključivo na obrascu ARA_IK-1, koji se nalazi u prilogu. Preporučujemo da se, iz razloga efikasnije obrade, popunjavanje obrasca ARA_IK-1 vrši direktno u MS Word formi koji je moguće podići sa naše internet stranice www.arabih.net.